

Se freres vous clamons, pas n'en devez
Avoir desdaing, quoy que fusmes occis
Par justice. Toutesfois, vous sçavez
Que tous hommes n'ont pas bons sens rassis ;
15 Excusez nous, puis que sommes transsis⁵,

Envers le fils de la Vierge Marie,
Que sa grace ne soit pour nous tarie,
Nous preservant de l'infemale fouldre.
Nous sommes mors, ame ne nous harie⁶ ;
20 Mais priez Dieu que tous nous vueille absouldre !

La pluye nous a debuez⁷ et lavez,
Et le soleil dessechiez et noircis ;
Pies, corbeaulx, nous ont les yeux cavez⁸,
Et arrachié la barbe et les sourcis.
25 Jamais nul temps nous ne sommes assis ;
Puis ça, puis la, comme le vent varie,
A son plaisir sans cesser nous charie⁹,
Plus becquetez d'oiseaulx que dez a couldre.
Ne soiez donc de nostre confrairie ;
30 Mais priez Dieu que tous nous vueille absouldre !

Prince Jhesus, qui sur tous a maistrie¹⁰,
Garde qu'Enfer n'ait de nous¹¹ seigneurie :
A luy n'ayons que faire ne que souldre¹².
Hommes, icy n'a point de mocquerie ;
35 Mais priez Dieu que tous nous vueille absouldre !

- 5. Trépassés.
- 6. Que personne ne nous insulte.
- 7. Lessivés.
- 8. Creusés.
- 9. Balance.
- 10. Maîtrise.
- 11. Sur nous.
- 12. Compter, être en compte.